

者出沒問者不為受理依大典決折云而撰集大典後續錄疎略太過人不能解故訟者決訟之際各執所見或以為甲者親著至二十一日則不計乙者不就訟三十日之限而當給甲者云或以為甲者親著雖至二十一日而乙者不就訟又滿三十日然後可給甲者云一國之法歧而為二極為未便請以大典本意及前後受教之意議于正二品以上商確論定曉諭中外使決訟之官及胥吏之輩易為解見答曰如啓○慶尚道觀察使鄭彥慤狀啓曰去年凶荒前古所無今當農月經朔不雨望絕西成人心危懼詮聞守令或托稱親老或托稱身病將欲棄官歸家者多有之云人臣少遇難事輒懷自便之計將欲棄官者非不知准期不叙還除外任之法而以此法為輕以勞苦為重請速嚴立科條下諭道內傳曰言于該曹立科條下諭之如有強為稱托而謀避者使之摘發馳啓罷職不叙○夜巽方如火氣

已酉弘文館啓曰性理諸家解周易進講時要切而此冊在於